

en com-
chem 6-1983

Ton Pukeraz kuz en Folgoet
(avec variantes et angoli-
veners)

Kantic Sant Coulit

8N2-4-034

Hor patron mat Sant Coulit truez en han' Doue
Taolit varnomp ho pennoz, ni zo ho pugale ;
Skoazellet gant ho kalloud, dre sikour ho peden
Ni vezo gwir gristenien, stard ato n'hor c'hreden.

Ginidik eus Breiz tramor, deus eur familh gristen.
A-vihanik c'hwi c'houzanv ar boan hag an anken ;
Ar brezel n'ho kornik-bro, siwaz zo dirollet
Araok ar Zaozon dizakr an holl a renk tec'het.

Gant ho kerent barket, kollet o teadra,
N'eur porz bihan eus Kerne, c'hwi teu da zouara ;
C'hwi a zo digemeret tostik da ribl ar mor,
N'eur manaty c'hwi gavo ha repu ha goudor.


E Landevennek savet, diskib da Wenole,
E skeul an holl vertuziou, c'hwi bignas hep dale ;
Dre ho swker, ho komz nerzus, er c'hornik-ma eus Breiz
E kalon hor c'hentadou oa garanet ar feiz.

Griziu ar feiz oa eat doun, rag goude eiz kandved
And tad Maner d'hon tadou helle c'hoaz lavaret :
« N'eo ket ganet ar breizad a nac'ho e Zoue
Mari jomm ato e vamm, ha Jezus e Roue ».

Ar brud eus ho santelez, a oa eat a bell bro,
Ar Pab bars en Iwerzon da eskop ho 'hanvo ;
Kear Kildare gant joa ho reseo vel eun tad
Hag eno kalz bloaveziou, c'hwi rai ar gwella vad.

E barr an Envou brema, c'hwi zo tost da Jezus
E kenver ho pugale bezit madelezus ;
Hor zikoùrit da vale e skeud ho santelez
Ni gano ho meuleudi eun deiz gant an Elez.

Keit ha ma redo and dour hed ha hed ar stér Aon
Tud Sant Coulit ho karo hag ho meulo dizaon ;
Epad hor buez fidel da feiz hon tadou koz
Grit ma vezimp unanet ganeoc'h er Baradoz.



IMPRIMATUR :

Kemper, 15 a Wengolo 1943.

P. MESSENGER, vikel bras.